


| Tertib Surah | Nama Surah | Bilangan Ayat | Bilangan Ruku' | Makkiyyah / Madaniyyah | Tertib Turun | Bilangan Paragraf |
|--------------|------------|---------------|----------------|------------------------|--------------|-------------------|
| Ke-47 | Muhammad | 38 | 6 | Madaniyyah | Ke-95 | 6 |



Zaman Diturunkan Surah Dan Latar Belakangnya

Nama kedua Surah Muhammad ialah Surah al-Qitaal, Surah Muhammad diturunkan sekitar bulan Sya'baan atau bulan Ramadhan pada tahun ke-2 Hijrah sebelum berlakunya peperangan Badar.

Sebelumnya telahpun diturunkan Surah at-Taghabun, Surah al-Baqarah dan Surah at-Thalaq. Di dalam Surah at-Taghabun manusia disuruh supaya berinfaq dan membelanjakan harta di jalan Allah sedangkan di dalam Surah Muhammad umat Islam diminta supaya berinfaq dan juga berjihad. Setelah berhijrah ke Madinah, asas sebuah negara Islam terbina tetapi orang-orang munafiq, kafir Quraisy dan kuasa-kuasa Thaghut yang lain tidak henti-henti berusaha menggagalkannya. Peperangan yang mula-mula berlaku di antara orang-orang musyrikin dan orang-orang Islam ialah di medan Badar, dalam peperangan itu pejuang-pejuang Islam yang berjumlah 313 orang telah dapat mengalahkan pasukan tentera orang-orang Quraisy yang melebihi 1,000 orang. Salah satu hikmat Surah Muhammad diturunkan sebelum perang Badar ialah supaya timbulnya kesedaran dan semangat di dalam jiwa orang-orang Islam untuk berjihad dan berinfaq, selain itu ia juga membuktikan kebenaran yang berada di pihak orang-orang Islam dan keharusan berperang dengan orang-orang kafir Quraisy demi mempertahankan diri. Dengan itu mereka dengan senang hati dapat membelanjakan harta benda untuk tujuan itu selain daripada bersedia untuk berperang dengan penuh semangat. Di dalamnya juga tersebut tujuan-tujuan perang dan peringatan kepada orang-orang munafiqin yang sebelum itu bukan main bersemangat dan bercakap besar, tetapi setelah benar-benar berada di medan perang mereka hilang semangat.

Tiga Surah Madaniyyah Selepas Surah-Surah Yang Dimulakan Dengan حم (خواميم)

Di dalam tertib kitabi al-Qur'an yang ada ini, tiga Surah Madaniyyah iaitu Surah Muhammad, Surah al-Fath dan Surah al-Hujurat terletak selepas surah-surah خواميم. Selepas itu akan menyusul pula 7 Surah Makkiyyah, di dalamnya tersebut beberapa dalil tentang kelogikan adanya hari kiamat dan hari akhirat, ia bermula dengan Surah Qaf dan berakhir dengan Surah al-Waqi'ah. Selepas itu datang pula sepuluh Surah Madaniyyah yang mana kebanyakannya merupakan surah-surah مُسَبَّحَات (surah-surah yang dimulakan dengan lafaz tasbih).

Perkaitan Surah Muhammad Dengan Surah Sebelum Dan Selepasnya

1. Di dalam Surah al-Ahqaaf disebutkan tentang kebinasaan bangsa-bangsa, khususnya kaum 'Aad melalui azab secara langsung daripada Allah (Ayat: 21 hingga 27). Di dalam Surah Muhammad pula terdapat perintah membinasakan orang-orang kafir secara tidak langsung melalui tindakan orang-orang Islam dalam peperangan. Dengan memerintahkan orang-orang Islam berjihad memerangi orang-orang kafir, Allah hendak menguji iman dan amal mereka (Ayat: 4).

وَلَوْ يَشَاءُ اللَّهُ لَانتَصَرْنَا مِنْهُمْ وَلَكِنْ لِيَنْبَلُوكُمْ بِبَعْضِ

2. Di dalam surah ini terdapat perintah supaya berjihad, di dalam Surah al-Fath akan datang pula diberikan berita gembira akan mendapat harta ghanimah yang banyak kepada orang-orang Islam dan ia dicapai hasil daripada kesediaan orang-orang Islam berinfaq dan berjihad.

Beberapa Kata Kunci Dan Tema Utama Surah

1. Di dalam surah ini terdapat perbandingan di antara dua pasukan yang bersedia untuk berperang iaitu orang-orang yang beriman (الَّذِينَ آمَنُوا) dan orang-orang kafir (الَّذِينَ كَفَرُوا), supaya orang-orang Islam mengetahui kenapa mereka berperang dengan orang-orang kafir dan apakah perbezaan di antara orang-orang Islam dan orang-orang kafir. Ia merupakan penjelasan kepada apa yang tersebut di dalam Surah al-Hajj (هَذَانِ خَصْمَانِ) (Al-Hajj: 22).

(a) Cerita tentang orang-orang yang beriman (الَّذِينَ آمَنُوا) tersebut di dalam 4 ayat (Ayat: 2, 3, 12 dan 33).

(b) Cerita berkenaan dengan orang-orang kafir (الَّذِينَ كَفَرُوا) pula tersebut di dalam 7 ayat (Ayat: 1, 3, 8, 10, 12, 32 dan 34).

2. Kepada orang-orang Islam diberitahu bahawa مولى (penolong, pelindung, pembantu dan penjaga) mereka adalah Allah (Ayat: 11).

ذَٰلِكَ بِأَنَّ اللَّهَ مَوْلَى الَّذِينَ ءَامَنُوا وَأَنَّ الْكَافِرِينَ لَا مَوْلَى لَهُمْ ﴿١١﴾

Oleh itu mereka tidak perlu takut dan gentar dalam menghadapi musuh, meskipun bilangan mereka sedikit tetapi akhirnya mereka akan mendapat kemenangan.

3. Di dalamnya disebutkan tentang sunnatullah dalam membinasakan bangsa-bangsa dan umat manusia di dunia. Allah berkuasa membinasakan bangsa-bangsa (Ayat: 10). Setelah membinasakan sesuatu kaum, Allah akan membawa pula kaum yang lain ke medan ujian. Semua ini berlaku berdasarkan sunnatullah dalam menukar dan menggantikan suatu bangsa dengan bangsa yang lain (Ayat: 38).

4. Halangan paling besar di jalan jihad ialah sifat bakhil dan kedekut, bangsa-bangsa yang bakhil dan kedekut tidak dapat bertahan lama di medan perang (Ayat: 37-38). Di dalam ayat terakhir, orang-orang yang bakhil dan kedekut diberi ancaman bahawa jika mereka tidak dengan sukarela bermurah hati membelanjakan harta benda untuk berjihad, nescaya Allah menggantikan mereka dengan bangsa yang lain (Ayat: 38).

وَإِنْ تَتَوَلَّوْا يَسْتَبَدِلْ قَوْمًا غَيْرَكُمْ ثُمَّ لَا يَكُونُوا أَمْثَلَكُمْ ﴿٣٨﴾

5. Taqwa adalah syarat utama untuk mencapai kejayaan di dalam jihad, perkataan taqwa dan pecahannya

tersebut 3 kali di dalam 3 ayat yang berlainan. Bertaqwa ketika berjihad dapat menyelamatkan orang-orang Islam daripada sekian banyak keburukan.

متقون (Ayat: 15).

مَثَلُ الْجَنَّةِ الَّتِي وَعِدَ الْمُتَّقُونَ

Taqwa (Ayat: 17).

وَالَّذِينَ اهْتَدَوْا زَادَهُمْ هُدًى وَآتَاهُمْ تَقْوَاهُمْ ۖ

تَتَّقُوا (Ayat: ۳6).

إِنَّمَا الْحَيَاةُ الدُّنْيَا لَعِبٌ وَلَهُوَ إِنْ تُوْمِنُوا وَتَتَّقُوا يُؤْتِيَكُمْ أَجُورَكُمْ وَلَا يَسْأَلْكُمْ أَمْوَالَكُمْ ۚ

6. Tentang golongan munafiqin yang tidak senang (كَرَهُوا) dengan al-Qur'an pula disebutkan dalam 3 ayat (Ayat: 9).

ذَٰلِكَ بِأَنَّهُمْ كَرِهُوا مَا أُنْزِلَ اللَّهُ فَأَخْبَطَ أَعْمَالَهُمْ ۚ

(Ayat: 26).

ذَٰلِكَ بِأَنَّهُمْ قَالُوا لِلَّذِينَ كَرِهُوا مَا نَزَّلَ اللَّهُ سَنُطِيعُكُمْ فِي بَعْضِ الْأَمْرِ وَاللَّهُ يَعْلَمُ إِسْرَارَهُمْ ۚ

(Ayat: 28).

ذَٰلِكَ بِأَنَّهُمْ اتَّبَعُوا مَا أَصْحَبَ اللَّهَ وَكَرِهُوا رِضْوَانَهُ فَأَخْبَطَ أَعْمَالَهُمْ ۚ

7. Aktiviti-aktiviti dan perancangan jahat orang-orang munafiq disebutkan dengan lafaz مُتَقَلَّبٌ (Ayat: 19).

وَاللَّهُ يَعْلَمُ مُتَقَلَّبَكُمْ وَمَثْوَاكُمْ ۚ